

Frg. 65. 2v

Frg. 65. 3r

Der er mit grozer cracht
 hie von hieb sich ein vrientchaft
 die iemur mere werre sit
 vnd ir gesehte unz uf die zit
 vñ vñ die schedelichen vart
 die troje von in zerstorert wart
Och lebten bi d selbin zit
 als vns die fabil vorkundegit
 ze crechin d stanche ethiodes
 vñ der fiedre polinices
 die beide ein ander sligen
 richet vñ en si trigen
 In hobit wechheit so vil
 da man gedechit noch ir zil
 vñ d tage in den iaren
 do si beide lebende waren
 pleus ein hobit man
 von kriechin bi d zit entan
 wan er da einin slie
 der d argvin crone tre
 der w genant acrisius
 der ellunthaffe pleus
 lie sich to midir in alia
 vñ tuanc so vil des landis da
 d des betwungin teilis lant
 nach im wart pfla genant
 dar sit gewaltidiche
 alow künliche
 In alia wurden vndtan
 die fabil sagint ane wan
 d im die heidunische hert
 sach to er von der wertoe schiet
 d er ze himile fure sa
 vñ sin wip andromeda
 vñ zwene sternin hoch erkant
 wurden sch d nach in gesant
 d si zehimil sohin komen
Esin als ir nu habt vñomen
 hyppus der vermeinde



den sin schulde also vñmeinde
 d ich von im wil spchin nibt
 so wandelter w sin geschicht
 d got sit an im fere rach
 der lebte och to ditz geschach
 och geschach in chriechin vil
 wunder ditzu selben zil
 die hie belibint vngesagt
 terrops ein bele vil vñbzagt
 sach man ze athene crone pflegin
 da w von art ein hovbit tegin
 sin bröder w eurioteus
 bi den argvin acrisius
 bi dem zer gie d riche da
 Lampes in assyria
 des landes crone sach man ttagin
 och wart acrisius erlagin
 den pleus d wigant
 slie d argvin lant
 an künlichem namin zergie
 d lant to künigis namen lie
Och w gestandin d ist war
 zwei vñ fivuffthalp hyndt iar
 ob vierzehinin künigin we
 der da ze künigin wart gegit
 des w d erste gnachus
 der and phozoneus
 der dritte d hiez apis
 des vns die warheit tüt gewis
 der vierde d hier arg
 der fivuffte hiez creaus
 der sechste hiez forbaz
 der sibende hiez troyopas
 der achtode hiez troyopas
 vñ d nunde steneleus
 der zehende hiez danavs
 die fabil vns d kündit sus
 d die crechin lange sit
 danai vil manige zit